

RUGIT



Agbalin nga Inaldaw a Bannuar iti Nadalus a Danum!

AMMUEM, AGTIGNAYKA, ken ireportmo dagiti MAAR-ARAMID a makadangran kadagiti waig, amin a pagayusan ti danum ken iti taaw.

AMMUEM:

No agtudo, mabalin a makapan dagiti rugit kadagiti pagayusan dagiti danum iti igid dagiti kalsada, kadagiti waig ken iti taaw. Dagiti rugit ti kanayon a kita ti polusyon iti danum; iti kanito nga addan iti danum, mabalin a serraanna ti asang dagiti ikan, palidemenna ti danum, punnuenna ti tukot dagiti waig, baliwanna ti sukog ken pardas ti agus ti waig, lapdanna ti isasarut ti lawag ti init a kasapulan dagiti mula iti danum ken dadaelenna dagiti tangrib.


AGTIGNAYKA:

- Lapdam a mayagus ti daga ken ania man a banag a maipanaw manipud iti solarmo babaen ti panagitukitmo iti ania man a mulmula iti dagam wenna panangalep-epmo iti daytoy ken takkubam met iti tolda dagiti ania man a temporario a nakapempen.
- Agmulaka iti ruot wenna ania man a mangakkub iti daga iti lugar a mabalin a pagayusan ti danum iti solaryo.
- Agmula iti agaassideg a kayo, muymuyong, ken ania man a mangakkub iti daga iti asideg dagiti waig ken kanal tapno mapapigsa ti daga ket di aggregaay, mapaginad ti agus ti danum ken masagat ken mapalamiis ti danum.
- Yadayo dagiti nagtabasan wenna ania man a sobra iti konstruksion kadagiti bangketa, kalsada, ken kadagiti pagayusan dagiti danum iti igid ti kalsada. Takkubam iti tolda dagiti ania man a temporario a nakapempen.
- Sagadan wenna akupen dagiti naiwara a semento, tapok ti kongkreto wenna pitak a saan ketdi a pugsitan iti danum tapno maipan iti kalsada ken kadagiti pagayusan ti danum. Iturong ketdi ti agus ti danum kadagiti namulaan a daga wenna kadagiti napatibker a daga tapno malapdan ti panagreggaay.
- Iwayat dagiti addang a mangtipep iti panagreggaay (kas iti pannakapagtalinaed dagiti addan a mula) ken rugit (kas iti panagalad tapno ditoy a maumong dagiti mayayus a rugit) agingga iti malpas ti amin a konstruksion iti ruar ken napatibkeren ti daga babaen ti pannakamula, pannakaalep-ep wenna pannakaparabaw daytoy kadagiti babassit a bato wenna bisil.
- Bisitaen amin a pangkontrol iti pannakaiwarawara dagiti rugit kalpasan ti tunggal bagyo wenna napigsa a tudo, ket tarimaanen dagitoy no kasapulan. Ikkaten met dagiti rugit a naipanget kadagiti alad ken kadagiti sagatan dagiti pagayusan dagiti danum, no kasapulan.

IREPORT DAGITI MAAR-ARAMID:

City's Environmental Concern Line iti telepono 768-3300 wenna bisitaen ti www.cleanwaterhonolulu.com

Reperensia: Dagiti Narebisa nga Ordinansa ti Honolulu, www.cleanwaterhonolulu.com, http://envhonolulu.org/solid_waste/, <http://epa.gov/nps/toolbox/> EPA Rehiyon 9 Programa iti Danum www.epa.gov/region9/water/npdes/stormwater-feature.html, Rehiyon 5 RCRA,



9 TIPS ITI POLUSION

ITI SANGAKAARRUBAAN

1. **Taginayonen ti kinadalus** – Pagrebbengam ti mamagtalinaed a nadalus iti bangketa ken pagayusan ti danum iti igid ti kalsada iti sango ti pagtaengam.
2. **Dika agibelbelleng iti basura** – Agusar iti stencil tapno markaam dagiti pagayusan ti danum iti igid ti kalsada babaen daytoy a mensahe, “Saan nga Agibelbelleng iti Basura, Salakniban ti Kadandanumantayo... Para iti Biag,” ket di ipalubos a dagiti basura, rugitanda dagiti pagnaan dagiti danumtayo.
3. **Aramidan ti umno** – Agusar iti ‘water-based’ a pintura ken ibelleng iti husto a pagibellengan.

KARRO

4. **Agusar iti “oil change box” wenna pagipanan iti usado a langis** – No suktam a bukbukodmo ti langis ti luganmo, annadam nga adda maibuyatmo iti kalsada ta mabalina a makastrek daytoy iti pagayusan ti danum. Agisagana kadagiti rigis wenna ania man a pangasep iti mabalina a maibuyat.
5. **Aginut iti usaren a danum ken sabon.** – Dalusam ti karrom babaet ti timba, espongha ken pagpugsit iti ungo ti hose tapno makainut iti danum ken maikabassit ti kaadu dagiti rugit a makadanon iti taaw; no adu ti rugit a mapan iti danum, dadaelenna ti kalidad ti danum ken mabalina a dangrana dagiti nabiang iti danum.

PARAANGAN WENNO YARD

6. **Takkubam** – Lapdan ti pannakairuar ti daga ken ania man a banag manipud iti solarmo babaen ti panagmulam iti nakatiwangwang a dagam wenna alep-epam daytoy ken takkubam met iti tolda dagiti ania man a temporario nga ipempempenmo iti solarmo. Agmula iti umno iti solarmo.
7. **Basaen ti etiketa** – Basaen ken surotan dagiti nakasurat kadagiti etiketa dagiti amin nga abuno ken pestisidyo. Ti etiketa, isu ti linteg..
8. **Panangmantener iti Paraangan** – Ukkonen dagiti bulong, nagputdan kadagiti ruot, ken nagarbasan kadagiti mula iti paraangan para iti umno a pannakaibelleng wenna iti pannakapagrupsa dagitoy. Ipakapet ‘tay kunatayo a nainsiriban a panagsibug. Agusar kadagiti adda awangna a “paver” wenna baldosa a pangtakkub iti daga wenna ania man a pangtakkub nga agsepenna ti tudo a mapan iti daga, Ikbassit ti panagusar iti pangtakkub iti daga a saan nga agagsep iti danum.
9. **Ikkaten** – Ikkaten ken ibasura iti umno a pakaibasuraanna dagiti rugit dagiti taraken nga ayup sakbay a pumanawkayo iti ayanyo a lugar.

Dagiti Paglintegan ken Ordinansa

Inikkan ti Linteg Pederal Maipanggep iti Nadalus a Danum (Federal Clean Water Act) ti Environmental Protection Agency (EPA) iti bileg a mangyimplementar kadagiti addang a pangtiped iti pannakarugit dagiti kadandanuman. Dagiti lokal a pagannurotan ken ordinansa, tulonganda met ti EPA iti panangipatungpalna kadagiti akemna.

Dagiti Narebisa nga Ordinansa ti Honolulu, Seksion 14-12-23(a) Pannakaimaton ti Kalidad ti Aglawlaw (Environmental Quality Control) — Panagsalungasing, ibagana, “Mailabsing iti paglintegan para iti asino man a tao ti agibelbelleng wenna makaigapu iti pannakaibelleng ti ania man a mangrugit iti ania man a pasilidad ti pagayusan ti danum a mangigapu iti parikut iti polusyon kadagiti kadandanuman ti estado, wenna makaigapu iti pannakalabsing ti ania man a probision ti city NPDES permit wenna dagiti pagrukodan iti kalidad ti danum iti Estado ti Hawaii.”

Mailabsing iti paglintegan ti panagibelleng iti ania man a makapataud iti polusyon kadagiti pagayusan ti danum. No aglabsingka, mabalina a mamultaka iti agingga iti \$25,000 iti tunggal panaglabsing iti tunggal aldaw.



E Mālama I Ka Wai Ola

Protect our waters...
FOR LIFE

www.cleanwaterhonolulu.com